

大清會典

卷之二十七

戶部

漕運二

漕船

漕糧考成

漕禁

白糧

大清會典卷之三十七

郵政部五 戶部十一



漕運二

漕船

原額漕船一萬一百七十隻

江寧等衛一千六百一十六隻安徽

等衛四百八十三隻廬鳳等衛二千七百八十八隻蘇松等衛六百四十八隻浙江一千九百

九十九隻又協運船四十一隻江西一千三百隻湖廣八百二十六隻山東七百二十七隻通津

等衛三內抽運白糧船江南三百隻浙江一百

隻歷年漕船或遇陞科增造或遇永折灰石減荒及裁併灑帶缺額歲無定數

康熙十一年漕運議單開造見運船七千九百

六十四隻八分

江南四千四百三十二隻八分浙江一千三百五十五隻江西一

千三隻。湖廣。四百七十三隻。山東。六百。山西。一
六十七隻。通津協運河南。三十九隻。二隻。八隻。

康熙二十四年。見運船六千五十一隻。江南。三

五隻。又協運江西。一百六十五隻。浙江。一千一
百九十二隻。江西。七百四隻。湖廣。三百六十五

隻。山東。六
百三十隻。

凡修造。每年照見運船隻修理十分之一。各為

歲造。其陞科積缺漂沒者。各為補造。十年限滿。

方准改造。江寧省衛。原赴淮安清江廠。後改江

寧龍江廠修造。安徽松鎮等衛。俱運丁領銀。于

本地設廠修造。蘇太鎮海三衛。于蘇州廠修造。

廬鳳淮揚等衛。于淮安清江廠修造。山東各衛

于淮安山東廠修造。浙江各衛。于仁和錢唐二

廠修造。江西各衛。于本地設廠修造。湖廣各衛

于武昌漢陽二廠修造。應給銀兩。各衛官丁于

回空過淮時。按年造報總漕批給。○江南通省

漕船。每隻原給料價銀二百八十三兩二錢七

分零。今給銀一百七十七兩一錢五分零。舊船

聽作裏料。如無底板到廠。廬鳳淮揚徐等衛

追運丁底料銀五十一兩。蘇太等衛。追銀三十

八兩一錢一分二釐。三修銀兩。初年新造漕船。

給銀五錢四分。嗣後第一年。除初運之給銀二

年算起

兩二錢九分。第二年。給銀二兩八錢九分。第三年。給銀五兩五錢二分。第四年。給銀四兩七錢九分。第五年。給銀九兩六錢九分。第六年。給銀六兩五錢二分。第七年。給銀九兩五錢九分。第八年。給銀十兩二錢九分。第九年。給銀十一兩三錢二分。限滿之船。如尚堅固。照九年例。再給三年。○浙江漕船。每隻原給料價銀二百八十三兩二錢七分零。今給銀一百七十七兩一錢五分零。三修銀兩。第二年始給銀三兩一錢五分。第三年。給銀五兩三錢八分。第四年。給銀八

兩三錢。第五年。給銀九兩三錢八分。第六年。給銀十三兩五錢五分。第七年。給銀十三兩八分。第八年。給銀十二兩一錢五分。第九年。給銀十四兩八錢三分。第十年。給銀十四兩一錢五分。限滿堪運者。照十年例給發。○江西漕船。每隻原給料價銀二百八十三兩二錢七分零。今給銀一百七十七兩一錢五分零。三修銀兩。第二年。給銀三兩。第三四年。各給銀五兩。第五年。至第十年。各給銀七兩。○湖廣漕船。如係新造。每隻原給料價銀二百五十兩。今給一百七十七

兩一錢五分零。如舊船配造。扣底板銀二十七兩。三修銀兩。第一年。止給公費五錢四分。第二年。給銀二兩四錢九分。第三年。給銀二兩二錢九分。第四年。給銀四兩九分。第五年。給銀四兩八錢九分。第六年。給銀五兩六錢九分。第七年。給銀十一兩一錢二分。第八年。給銀十兩九錢九分。第九年。給銀十一兩九分。第十年。給銀十三兩五錢七分。限滿堪運者。每年給銀十一兩八錢九分。○山東漕船料價銀。照江南淮安廠給發。如運丁無底板到廠者。追銀五十一兩。三

修銀兩。第一年。給銀六錢。第二年。給銀二兩三錢五分。第三年。給銀四兩六錢三分。第四年。給銀四兩二錢五分。第五年。給銀五兩三錢八分。第六年。給銀八兩一錢五分。第七年。給銀七兩二錢八分。第八年。給銀五兩九錢五分。第九年。給銀九兩二錢三分。第十年。給銀七兩一錢五分。限滿再運。每年量加修船銀兩。○順治三年。覆准。漕船先造一隻爲式。估定價值。准動關稅。蘆課銀修造。○八年覆准。各衛補造漕船需用錢糧。查各省有應扣永折行月。荒折行月。及六

升餘米扣存者。盡數清解淮庫以供修造。○十年覆准。漕船每十年一改造。歷限不足者。照年賠罰。每船料價銀二百八十三兩二錢七分三釐零。經運一年者。追賠銀二百五十四兩九錢四分五釐零。二年者。追賠銀二百二十六兩六錢一分八釐零。三年者。追賠銀一百九十八兩二錢九分一釐。四年者。追賠銀一百六十九兩九錢六分三釐零。五年者。追賠銀四十六兩四錢七分八釐零。六年者。追賠銀四十一兩四錢一分三釐。七年者。追賠銀二十八兩七分三釐。

零。八年者。追賠銀二十六兩四錢九分八釐。九年。十年。照舊例免賠。○十三年題准。貼備造船銀兩。江寧各衛屯米每石協濟銀三分。黃快船每丁協濟銀五分。官舍餘丁編爲三則。上則納銀五錢。中則三錢。下則二錢。審定造冊徵收解廠。安慶衛以屯田均配。上下兩運。公同貼造。新安宣州二衛。按屯田編徵貼造。建陽衛於屯丁銀內加徵貼造。廬鳳淮揚滁徐等衛。蘇太等衛所及山東各衛。俱按清出丁舍編徵貼造。浙江按清出閑丁每丁徵銀四錢。江西每丁徵銀二

錢五分。湖廣每丁徵銀二錢。以供貼造。若船多銀少。儘數均攤。○十四年覆准。漕船例有軍三民七。軍三。卽運丁屯月二。糧。民七。卽淺船料價。并減存行月錢糧。專供修造。今仍于額設銀兩內撥給。○十七年題准。江淮興武二衛料價銀。每隻減四十八兩五錢。○康熙四年覆准。淮廠改造補造漕船。摠漕親身查驗。果不堪再運者。方許改補。如有剩料留充下年歲造之用。○又覆准。江南應協濟江西漕船銀兩。限江安糧道每年十月內完解。○六年覆准。漕船每隻載米四百石。糧道等官親

臨船廠。依式成造。○十一年題准。漕船不足應運。該管官不早爲僉丁補造。又不設處僱募以竣運者。降一級調用。經管造船玩悞者。罰俸一年。○又題准。衛所官解送漕剥船隻。遲悞朽爛者。罰俸一年。○又題准。江淮興武二衛料價銀。每隻減十兩四錢。○十四年議准。官員奉委修造漕船。或謊報朽爛。或修造未竣。捏報已完。或朽爛船隻。冊報掩飾者。俱降二級調用。如承造漕船。推諉不行監造。或檄催日久不完者。俱降一級調用。該管官督催不力者。罰俸一年。如朽

爛船隻。不估價申報者。亦罰俸一年。○十七年題准。漕船載米。不得過四百石。入水不得過六捺。空船以四捺爲度。依式成造。○又題准。江南山東衛所減料價銀七十四兩五錢零。江淮興武二衛減十五兩六錢。浙江減二十二兩二錢四分零。○十九年題准。歲造漕船。內清江龍江二廠。係船政同知督造。所用料價錢糧。工部該銷。江南浙江江西湖廣等處。係各糧道令運丁領造。其料價。及按年修艚銀兩。戶部核銷。今工部題差。司官督造清江廠漕船。酌定工價。其江

南等處新造船隻。照例銷算。○又題准。江南山東減料價銀三十一兩六錢一分零。浙江減三十九兩五錢四分零。江西減四十二兩九錢零。湖廣減七十二兩八錢四分零。○二十二年題准。各省康熙十九年所裁料價銀。俱行復給。○又議准。遣官監造船隻。各省一例。每船給料價銀一百七十七兩一錢五分。○二十四年覆准。江浙漕船幫次。各令附近歸併。中幫船少者併二爲一。小幫船尤少者併三爲一。○東
凡灑帶。順治十八年覆准。浙江缺船。漕米灑帶

見運船隻。每船例給負重銀四十八兩。江西漕船。加載糧米。每石給銀一錢六分五釐。○康熙元年。覆准補解一項。欠三四百石者。許搭新運糧道。先取運官願搭甘結。發縣稽查。五百石以上。不許搭運。○二十年。議准江淮等衛帶運上。年災糧。每石給銀五分。○二十五年。覆准浙江缺船。灑帶米石。不得按船支給負重銀。照江南例。每石給銀五分。○西法四十二兩六錢凡僱募。順治二年。覆准糧船缺額。僱募堅固民船。襄運。倘有掛欠。但追運官。不得拔累船戶。○

十年。令糧艘凍阻。許僱募民船。不得短價強僱。○又覆准僱募民船。每糧百石。定給水脚銀三十五兩。照進倉船糧。扣除掛欠銷算。查明解糧印冊。果係僱募。方准開銷。如有隱匿見船。希圖支領。及僱少開多者。叅究。○十一年。覆准大詔漕船缺額。准動輕齋銀兩。令運官自僱。不許重派地畝。擅拏民船。○十二年。議准地方所僱漕船。卽大兵經臨。不許封捉。○康熙四年。議准江西僱船裝運。每石給銀四錢。○六年。覆准江西漕糧。僱運京口。每石水脚銀一錢二分。○二十年。覆

准。浙江漕船凍阻。僱募民船。兌運至淮。交與運丁。每石水脚銀一錢。○六年凡盤查。舊例漕船每隻許帶土宜六十石。順治十七年題准。總漕倉場于漕船過淮抵通日。盤查貨物。自六十石外。盡追入官。弁丁治罪。○康熙二年題准。糧船經由儀真瓜州淮安濟寧天津五處。地方官嚴加盤詰。如有夾帶私貨。呈報督撫題叅。若徇情容過。事發。降一級調用。如水次附載貨物。沿途包買。運官通同奸商搭船者。糧道不行嚴禁。罰俸一年。監兌押運等官。降一

級調用。○五年題准。運官縱容運丁。私攬客貨者革職。俟交糧完日提審。若自帶貨物者革職。帶私鹽者。降一級調用。○九年題准。停免天津盤查。凡重運糧船。各鈔關不許借端稽留盤查。○十一年題准。停免瓜州儀真盤查。○又題准運官自攬客貨。與私載已貨。裝運私鹽者。俱革職。運丁私攬客貨。及私載已貨。裝運私鹽者。運官降一級調用。○十五年題准。淮安濟寧地方官。失查糧船夾帶者。罰俸一年。○二十二年議准。回空船隻。量許攬載貨物家口以濟運丁。毋

得違限到次。量有餘糧。當酌量口以截取。丁。毋
凡回空。順治四年覆准。完糧後。運官查明船數。
管押南旋。如有遺棄。責令賠補。倉督給回空照
票。關津驗放。沿途各官。逐程催趕南下。俟空船
回南。管押官赴糧道投繳原票。違者照倚單例
降罰。○五年覆准。每年重運過畢。通惠河分司。
責令回空官丁。開列姓名船數。投司詳定期限。
給單押至天津。投天津道轉單。至濟寧。總河查
驗。換牌註限。至淮安。總漕查驗。責令沿河文武
各官嚴催。不許時刻停留。○七年覆准。運船交

卸後。卽照數交密雲道。自通州起。押到天津。天
津道督押出境。武德東昌各道督押至淮安。呈
明總漕。至江寧。呈明兩江總督。至杭州。呈明浙
閩總督。各該道逐程督押交割。該管衙門。接濟
新運。遲悞者。該道及原領官丁議處。○十二年
覆准。沿河督撫鎮道等官。遇回空糧船入境。照
坐糧廳編號船數。分汛督催。將出境入境日期。
報部查核。○十五年覆准。漕船回空。拋棄河干。
地方官。并押船官丁議處。船隻着管押官丁賠
補。○十六年題准。回空漕船後船已過。前船未

到。及逗遛脫幫者。押回官叅處。○康熙十一年議准。回空漕船。赴次遲延者。隨幫外委官責逐。○二十年覆准。令漕河各督撫嚴檄鎮道等官。親往河干。將各省回空糧船。無分晝夜。嚴行催回。以副冬兌春開之限。官數回空。嚴辦入數。凡催徵漕糧完欠。順治十三年題准。經徵漕糧州縣衛所官。未完不及一分者免議。一分以上者。罰俸六個月。二分以上者。任俸。三分以上者。降二級。四分以上者。降三級。五分以上者。革職。

考成

俱戴罪督催。完日開復。叅後違限不完者。加倍議處。如應罰俸者。任俸。應任俸者。降二級。應降二級者。降四級。應降三級者。革職。仍戴罪督催。完日開復。應革職戴罪者。實降二級調用。署印官。照署徐淮等倉錢糧官例處分。○十八年覆准。行月經費雜項錢糧。向無考成則例。今照正項錢糧原定例處分。○康熙二年題准。隨漕行月輕齋各項錢糧。俱在地畝銀米內支辦。不必各作分數。應總作十分。州縣衛所官。欠不及一分者。停陞。罰俸一年。欠二分者。降一級。欠三分

者降三級。欠三分者降三級。欠四分者降四級。俱戴罪徵收。欠五分以上者俱革職。知府糧道。欠不及一分者停陞。罰俸六個月。欠一分者。罰俸一年。欠二分者降一級。欠三分者降二級。欠四分者降三級。欠五分者降四級。俱戴罪督催。欠六分以上者俱革職。巡撫欠一二分者。罰俸三個月。三分者罰俸六個月。四分者罰俸一年。五分者降俸一級。六分者降俸二級。七分者降職一級。八分者降職二級。俱戴罪督催。完日開復。凡本年內接徵接催之官。或一官經管。或數

官經管。總計十分。不必各作十分。仍照經徵經催官例處分。署印官欠不及一分者。罰俸三個月。欠一分者。罰俸六個月。欠二分者。罰俸九個月。欠三分者。罰俸一年。欠四五分者。降一級調用。欠六七分者。降二級調用。欠八分以上者革職。不及一月者免議。叅後州縣衛所官。限一年。糧道知府。限一年半。巡撫限二年。其年限內不完者。不復作分數。照原叅分數處分。如州縣衛所官。限內不完。原欠不及一分者。降一級調用。原欠一分者。降三級調用。原欠二分者。降四級

調用。原欠三分者。降五級調用。原欠四分以上者。革職。巡撫糧道知府。限內不完。原欠不及一分者。降一級。仍戴罪督催。其餘俱照州縣例處分。至限年錢糧。接徵接催之官。俱併前官總作十分。以到任日爲始。限半年催完。如不能完。題叅之日。照初次分數例處分。凡各官催徵。本年內全完者。紀錄二次。三年連次全完者。加一級。未經催完。因他事離任者。俱罰俸一年。○九年題准。漕項錢糧。接管之官。照康熙二年地丁錢糧例考成。○十年題准。各省漕糧。督催糧道知

府等官。欠一分者。罰俸三個月。欠二分者。罰俸六個月。欠三分者。任俸。欠四分者。降二級。欠五分者。降三級。欠六分以上者。革職。俱戴罪督催。完日開復。叅後違限不完者。加倍議處。應罰俸三個月者。罰俸六個月。應罰俸六個月者。任俸。應任俸者。降二級。應降二級者。降四級。應降三級者。革職。俱戴罪督催。完日開復。應革職戴罪者。實降二級調用。欠不及一分者。免議。○十四年覆准。漕糧改折銀兩。與隨漕項下錢糧。各作分數題叅。○又題准。隨漕錢糧。原叅各官。旣限

一年。接徵接催之官。止限半年。限期太迫。今定接徵州縣等官。亦限一年。接催糧道知府直隸知州限一年半。接催巡撫限二年。如仍不完。照初叅例議處。○又議准。隨漕錢糧州縣衛所官。原欠不及一分。年限內不完者。降一級留任。再限一年。戴罪催完。如又不完。照所降一級調用。若年限內不完。原欠一分者。降三級調用。原欠二分者。降四級調用。原欠三分者。降五級調用。原欠四分以上者。革職。巡撫糧道知府等官。年限內不完。原欠不及一分者。降一級。戴罪督催。

其餘俱照州縣等官例處分。○凡運納漕糧完欠。順治四年覆准。漕糧掛欠千石以上。送刑部。千石以下。發該糧道。嚴追擬罪。○五年覆准。漕糧掛欠。不分多寡。俱發糧道追比。將行月耗米抵補。餘欠追完。○六年題准。運官擇殷實才幹者。加千總銜。押運漕糧。一年無欠。實授千總。二年無欠。加署守備。三年無欠。實授守備。五年無欠。加都司僉書。如有掛欠。加等治罪追賠。○七年覆准。選委運官。專責糧道。僉補運丁。專責清軍廳。如有盜賣包攬掛欠。一二

分者。罰俸三個月。三四分者。罰俸六個月。五六分者。罰俸一年。停其陞轉。七八分者。降職一級。九十分者。降職二級。運官欠者。責在糧道。運丁欠者。責在清軍廳。賠補十分之二。○又題准。官丁掛欠漕糧。卽遇赦。亦不准豁免。仍行究追。○又覆准。官丁欠糧。產無可變者。卽依律擬罪。不得聽其株拔。○八年題准。運官一運全完。委用守備千百總。俱准實授。二運全完。各加銜一級。三運全完。各實陞授一級。○又題准。漕糧掛欠二三分者。總漕巡撫

糧道。住俸督催。完日開復。欠四五分者。各降二級留任。督催完日開復。欠六七分者。各降二級調用。若一年糧運全完。總漕以通漕論。巡撫糧道以本屬論。卽與優陞。官丁掛欠一二三分者。發總漕追比。四五分者。交刑部監禁。行本處變產充賠。六七分者。刑部監比。家產妻孥變賠。八九分者。本犯官丁立斬。仍將家產妻孥變賠。○十年覆准。糧道運務未畢。俱停陞轉。統計該管漕糧全完者。陞二級。一運欠一分者。罰俸一年。再運欠一分者。降一級調用。一運欠二分者。降

二級調用。欠三分者革職。如前官遇有事故。後官接管在未開幫以前者。前官免議。後官照例陞降。在開幫以後接管者。後官完十分。陞一級。欠一分。罰俸六個月。欠二分。降一級。調用。欠三分。降二級。調用。欠四分。革職。前官酌量另議。○又議准。漕糧掛欠。坐糧廳審究。係某處折乾盜賣。申詳倉場總督。將該管官一併治罪。其欠多官丁。分別枷示。○十二年覆准。運官掛欠一分者。見任守千降級發追。完日還職。不完。革職。欠二分者。革職發追。完日免罪。不完。徒一年。欠三

分者。革職發追。完日免罪。不完。徒三年。欠四分者。責四十發追。完日免罪。不完。發附近衛所充軍。欠五分者。責六十發追。完日。仍杖一百。不完。發邊遠衛所充軍。欠六分者。責八十發追。完日。徒一年。不完。絞。欠七分者。責一百發追。完日。徒三年。不完。斬。欠八九十分者。立斬。籍沒家產。妻孥抵償。如不足。令原僉報各官代賠。○十三年覆准。欠糧各弁。在通追比。定限一年。年終題明。有未完者。發南追比。亦限一年。總漕年終造冊題明。仍有未完。變產賠補。送刑部擬罪。○十七

年題准。江安蘇松浙江江西糧道糧多。全完者加陞一級。山東河南糧道糧少。全完者。紀錄一次。未完者。照十年例。各省糧道一例處分。接管官在開幫以後全完者。紀錄一次。未完者。亦照十年例處分。漕儲道計通漕全完者。加陞二級。接管官在開幫以後全完者。加陞一級。未完者。照糧道例議處。押運通判。全完者。紀錄一次。欠一分者。罰俸六個月。欠二分者。降一級調用。欠三分者。降二級調用。欠四分者。革職。巡撫照糧道例。總漕照漕道例議處。○又覆准。領運官除

銷算買補。及隨幫帶運全完者。不敘外。江南。浙江。江西。糧多路遠。部推守千百總全完者。每運加銜一級。外委運官。一運全完者。紀錄一次。二運全完者。准實授。三運全完者。加銜一級。山東。河南。糧少路近。部推守千百總。一運全完。紀錄一次。二運全完。紀錄二次。三運全完。加銜一級。外委運官。一運全完。倉督從優獎賞。二運全完。紀錄一次。三運全完。准與實授。○康熙三年題。准。追比運官。掛欠漕糧。州縣官。初叅欠不及一分者。停陞。欠一分者。罰俸六個月。欠二分者。罰

俸一年。欠三分者降俸一級。欠四分者降俸二級。欠五分者降職一級。欠六分者降職二級。欠七分者降職三級。欠八分者降職四級。俱戴罪督催。完日開復。欠九十分者革職。布政使糧道知府直隸知州。初叅欠不及一分者停陞。欠一分者罰俸三個月。欠二分者罰俸六個月。欠三分者罰俸一年。欠四分者降俸一級。欠五分者降俸二級。欠六分者降職一級。欠七分者降職二級。欠八分者降職三級。欠九分者降職四級。俱戴罪督催。完日開復。欠十分者革職。總漕巡

撫。初叅欠不及一分者停陞。欠一二分者罰俸三個月。欠三分者罰俸六個月。欠四分者罰俸一年。欠五分者降俸一級。欠六分者降俸二級。欠七分者降職一級。欠八分以上者降職二級。俱戴罪督催。完日開復。署印官。初叅欠不及一分者停陞。欠一二分者罰俸三個月。欠三四分者罰俸六個月。欠五六分者罰俸九個月。欠七八分者罰俸一年。欠九十分者降一級調用。署印不及一月者免議。叅後州縣官。限一年內全完。如一年內不完。原欠不及一分者。罰俸一年。

原欠一二分者。降三級調用。原欠三四分者。降四級調用。原欠五六分者。降五級調用。原欠七分。以上者革職。布政使糧道知府直隸知州。限一年半全完。如限內不完。照州縣官例處分。總漕巡撫。限二年全完。如限內不完。原欠不及一分者。罰俸一年。欠一二分者。降二級調用。欠三四分者。降三級調用。欠五六分者。降四級調用。欠七八分者。降五級調用。欠九十分者。革職。其接徵接催各官。以到任日爲始。限半年催完。如不能完。照初叅分數例處分。○九年復准湖廣

漕糧。仍舊起運。照山東例考成。○十一年題准。江南浙江江西湖廣四省。糧多路遠。部推守千領運全完者。每運加銜一級。山東河南二省。糧少路近。部推守千領運全完者。一運紀錄一次。二運全完。紀錄二次。三運全完。加銜一級。至衛所裁外委百總名色。改爲隨幫官。江南浙江江西湖廣隨幫官。隨運三次。山東河南隨幫官。隨運四次。給千總劄。再隨運二次。以衛千總推用。○十四年題准。追比拖欠漕糧。署印官欠不及一分者。免其停陞。○又題准。追比拖欠漕糧。原

叅各官。既限一年。接徵接催之官。止限半年。爲期太迫。今定接徵州縣等官。亦限一年。接催司道府直隸州官。限一年半。接催總漕巡撫。限二年。如仍不完。照初叅例議處。

漕禁

凡監兌漕糧未完。捏報兌完。漕船未開。捏報開行者。各降二級調用。

凡收兌漕糧。攙和糠粃砂土。及私自改折漕糧者。該管官俱革職。監兌官降一級調用。其抵通交兌漕糧。有糠粃砂土者。押運官革職。糧道降

一級調用。如無糠粃砂土。經收官勒指不收者。降二級調用。

凡河漕總督。專管督率運糧。如各官不預行挑淺疏通。以致糧艘遲悞者。該督題叅議處。如回空船隻。該督不行力催。又不題叅各官者。降二級留任。

凡官員不速催僱漕船。及無故容先後越幫者。各罰俸九個月。該管官漕船入境日期不查明轉報者。罰俸六個月。凡官員解送舊斛。遲延及損失者。罰俸六個月。

凡監兌官。任蠹惡包攬橫行水次。侵蝕漕糧者。降二級調用。或旗丁生事。不能禁止者。該管官降一級調用。凡旗丁沿途盜賣漕糧。押運官不能查出。降一級調用。

凡押運官不候交完漕糧。未經掣批。私自回任者。罰俸一年。

順治三年。覆准。漕糧無論官儒民戶。一體督催。及時入厥。候兌。不得堆貯私家。逼令官丁赴兌。違者治罪。○五年。覆准。運官赴次受兌。屢催始

到者。革職。戴罪交糧。完日開復。○又議准。文武官不得擅受領運官丁詞訟。違者指叅。○七年。覆准。漕兌積弊四款。一科派常例。一濫差滋擾。一苛勒贈耗。一交兌留難。通行勒石禁革。○十年。覆准。嚴禁盤放糧船私債。許官旗自首。照私放官債例加等治罪。○又覆准。漕糧徵收。責在州縣。監兌責在推官。查驗管押。責在糧道。其餘道府各官。不得借驗糧名色。苛索如違。題叅。○又覆准。漕米依限收完。卽給票歸農。官兌軍收。不許點克倉頭。私派耗贈。勒碑永禁。仍取具州

縣遵依○又覆准漕糧盤剝俱有額設銀兩嚴禁私拏貨船○十四年覆准沿河督撫鎮道等官遇有生事弁丁照營兵鼓譟例先從重處治一面題請發刑部究擬刊榜曉示○又覆准防汛官兵如汛地內有漕船盜賣事發一併治罪○十五年覆准官收官兌軍民不許相見有陽奉陰違查叅重處運丁擅自鼓譟有司能捍禦者上司據實題敘巡按密訪各屬倉歇巨蠹及各衙門常例弁丁淋尖踢斛割單等弊題叅重處○又覆准總漕及各撫按衙門不許旗丁子

弟謀充書承本官失察一併叅處○又覆准運官領運漕船全單開載定數中途灑帶歸併到通船少冒支行月水脚銀米嚴追完日仍從重處分○十七年覆准總漕各撫按於兌糧時採訪如有糧道取索州縣州縣攤派糧里胥役苛索運弁科歛旗丁等弊卽行叅究○康熙元年諭領運官丁多有不守成法夾帶私販貨物隱藏犯法人口倚恃勢力行兇害人借名阻礙河道毆責平人托言搜尋失物搶劫民船且有盜賣漕糧故致船壞貽累地方嗣後仍有違禁肆行者督漕各

官並該地方官。卽行叅奏。嚴提官丁。治以重罪。若
徇情不奏。各官亦從重處治。○十一年題准。領運
官。賸削運丁。或將應給行月錢糧。及修艚等銀。
侵扣不發。或勒索不遂。酷打運丁者。俱革職究
擬。○又題准。運官抗不赴次。及赴次勒索淋尖。
毆辱糧官。并不嚴飭運丁。爭索斛面酒席。噪辱
糧官。及沿途生事。阻壓行船。欺侮官員。毆斃民
命。及回空時。縱丁毆打催餉官兵者。俱革職究
擬。○又題准。運官停泊漕船。不聽督催。凌辱開
官。責打開夫。帶去開板。洩水悞漕者。革職究擬。

不挨程速進。沿途脫幫遲悞者。降二級。戴罪督
催。若謊報水淺塘塞者。罰俸六個月。○十四年
覆准。蘇松等府。於定例加贈五米十銀外。永禁
私派貼運名色。○十七年覆准。禁革小民納糧
時。修倉補墊。及屯丁領運行月扣除陋規。違者
叅究。督撫失察徇庇。一併治罪。○二十年覆准。
浙江運丁。私勒民兌。另立私截名色。嚴行禁止。
○二十一年覆准。運河淺澁。漕船定有程限。各
處兵船。行至開河。務隨漕起閉行泊。如有扭鎖
掀板。任意爭鬪者。該督指叅。領兵官嚴加議處。

白糧

白糧解運

京師所以供

上用。及頒給俸祿。其徵兌考成。概同漕糧則例。詳列

於後

原額正米。二十一萬七千四百七十二石五斗

八升七合二勺

耗米。一萬一千二百二十石六斗二升六合一

勺

內倉

舊名內官監。順治十年。改名內倉。

白熟粳。白熟細粳。正米

一萬二千八百二十五石。每石加耗米五升

供用庫白熟粳。正米。八萬二千四百五十二石

四升七合。每石加耗米五升

光祿寺白熟粳。正米。六萬六千九百八十石

二斗八升九合。每石加耗米三升

酒醋局白熟糯。正米。一萬二千二百石。每石加

耗米五升

王祿

舊名德惠。桂祿。順治十年。改為王祿。

上白粳。糙白粳。正米。一

萬石。上白粳。每石加耗米五升。糙白粳。每石

加耗米一斗白粳。五米。三萬二千八百六十

府部院衙門糙白粳。正米。三萬二千八百九十

石二斗五升一合二勺。每石加耗米一斗

犧牲所糯稻准糙。正米。二百二十五石。每石加

耗米一斗

江南正米。一十五萬一千二百七十二石五斗

八升七合二勺。蘇州府。熟粳。正米四萬五

千二百三十三石二斗。糙白

粳。正米一萬五千三百一十九石七斗三升

六合。松江府。熟粳。正米三萬七千三百五

十二石四升七合。糙白粳。正米一萬三千一

百二十七石七斗九升五合二勺。常州府。熟

粳。正米三萬三千二百五十五石二斗八

升九合。熟細粳。正米一千七百石。糙白粳。正

米五千二百八十四石五斗二

升。以上除荒陞墾。按年增減

耗米。七萬二千二百六十三石八升八合四

勺。熟白米。每石加耗五斗。糙白米。每

石加耗四斗。交倉耗米在內支辦

春辦米。三萬六千三百五十石一斗六升八

勺。熟白糙白正耗米。每石俱加春辦米二斗。

常州府熟細正米。每石加春辦米九斗四

升

經費銀。二十三萬五千八百五十八兩三錢

六分三釐三毫。米。一萬八百九十一石六斗

二升六合二勺

浙江正米。六萬六千二百石

嘉興府。白粳。糯正

米四萬一千三十

四石六斗九升一合八勺。湖州府。白粳。糯正

米二萬五千一百六十五石三斗八合一勺

浙江無除荒
陸墾之例

耗米二萬九千七百九十石

正米每石原徵
糙耗米五斗五

升。康熙十一年。改徵白耗米四
斗五升。交倉耗米在內支辦

經費銀七萬六千六百九十一兩四錢四分

四釐米一萬二千二百五十九石八斗

順治二年覆准。白糧民運改為官解。○三年題

准。督押白糧。委府佐貳官為總部。州縣佐貳官

為協部。各府限十月內詳委總協部官。有司徵

糧及腳價。限十一月內全完。僱船修艙。春辦包

捆挑運。限十二月內上船。正月內開幫。尾漕北

上三月中旬過淮。七月初旬抵通交納。如有遲

悞。悉照漕例處分。○六年題准。江浙白糧本年

徵解十萬石。餘俱改折充餉。每石連耗米春辦

夫船米。共折銀一兩五錢。○十年議准。令各糧

道都司。禁飭漕船。不得欺凌白糧船。○十一年

諭。漕船分帶白糧。以甦官民之累

浙江白糧。用漕船
裝運。江南白糧。仍

僱民船○又題准。白糧考成。除糧道照漕糧例

官運。議外總部官。掛欠不及一分者免議。欠一分者

降二級。欠二分者降二級。欠三分以上者革職

協部官。欠不及一分者降一級。欠一分者降二

級。欠二分以上者革職。立限追比。悉照漕例。○十二年議准。改折白糧。因米價甚貴。每石折銀二兩解部。○十三年題准。白糧經徽州縣官完欠分數。及叅後違限。俱照漕糧例處分。○康熙二年題准。白糧除光祿寺改折三萬石。每石折銀一兩五錢。解該寺外。餘米俱徵本色起運。○三年題准。白糧改折銀兩。限文到六個月全完。如有不完。巡撫布政使糧道。并府州縣官。俱照地丁錢糧考成例議處。再限六個月催完。如又不完。大小各官。俱照地丁錢糧年限例議處。○

六年題准。白糧不便總歸漕糧考成。催徵各官。另作十分考成。其押運官。一運全完。紀錄一次。二運全完。紀錄二次。三運全完。加一級。凡交兌過淮抵通。俱照漕糧定例。○又題准。浙江白糧。向係文官押運。今改武官專管運解。其議敘處分。照江南協部例。至通判押運漕糧帶管白糧之官。仍於漕糧內考成。○九年覆准。蘇松常三府屬水災九分十分田地。應徵白糧。本年折徵一半。每石折價一兩二錢。并經費銀兩照數解部。十年帶徵一半。至春辦耗夫船等米。非係正

項概行免徵○十四年覆准江南白糧抽選漕船五年一次更換輪運每船照浙江例給行月糧米六十九石三斗銀五十六兩七錢六分經費銀浙江舊例四百五十七兩一錢一釐今江浙俱減給銀一百二十六兩二錢四分零米二十八石每府添設千總二員更番領運每幫設隨幫百總一員押僱回空原編運夫銀仍留供用其月糧內扣貼灑帶每石負重銀五分○十五年題准白糧全徵折色充餉每石折價一兩五錢○二十二年覆准江浙白糧全徵本色起

運

大武會典卷之二十六十四年覆准江南白糧抽選漕

船五年一次更換輪運每船照浙江例結行月

糧米六十九石三斗銀五十六兩七錢六分

費銀浙江舊例四百五十七兩一錢一分

浙俱減給銀一百五十六兩二錢四分零米

十八石每府添設半總三員更番領運每幫

隨幫百總一員并價四空房

運夫銀仍留供

取五分

折價



